

救世良方

疑似辨證目錄

症候虛實寒熱

傷寒時疫辨

傷暑寒熱辨

時疫中風痘疹瘡毒吐瀉痧症

傷寒格陽格陰

前後虛實

陰陽二症辨

風寒時疫辨

陽黃陰黃辨

輕重汗下

外感內傷辨

時疫脈沉浮

腹痛火炎針刺

用散藥忌補劑寒藥

吐瀉霍亂寒熱

時疫頭痛宜下

痛瀉勿作傷食

時疫潮熱宜疎利

時疫欲吐不吐欲飲食不能飲食

疫瘡先後治法

妊娠時疫宜瀉不宜補
小兒時疫勿作他症治
時疫當瀉不當瀉辨

小兒

小兒瘡疾烏貓屎一錢桃仁七枚煎服立瘥

小兒洞痢柏葉煮汁代茶飲

小兒赤痢搗藍葉汁四兩分四服

小兒赤白痢油麻一兩搗和蜜湯服

小兒吐瀉黃色傷熱石膏寒水石各五錢甘草三錢

爲末湯下一錢穀精草燒存性以器覆之放冷

爲末米飲下五分

臍風撮口艾葉燒灰填臍中帛縛定良效或隔蒜灸之候口中有蒜氣立愈

小兒霍亂梳垢水服少許白狗屎一丸絞汁服

小兒風寒萊菔子生研末一錢葱酒服取汗

小兒身熱石膏一兩青黛一錢糕糊丸每一丸燈心

湯下

身熱不食梔子仁七枚豆豉五錢水煎服立效

驚癇發熱月經血和青黛水調服一錢入口即瘥

小兒渴利冬瓜汁飲之

小兒咳嗽生薑四兩煎湯浴風痰訶子半生半炮

小兒吐乳田中蚓泥一兩研末空心米湯下五分三服效

傷乳欲睡鼠二枚燒爲末日服二錢湯下

小兒不乳雀屎四枚抹之與吮

小兒哮喘牆上陳螺螄壳爲末水調暮吞之卽效

塩哮喘麻稗瓦內煨研末過夜浸豆腐蘸食

小兒尿血甘草一兩二錢水煎一日服盡

小兒腹脹父母指甲煨過敷乳上飲之
韭根搗汁

服取愈

小兒浮腫天羅灯草葱白等分煎汁服并洗之

小兒黃病韭根搗汁日滴鼻中出黃水效

小兒丹毒水和蚓泥敷 石膏末一兩和水塗 醋

調蕎麥粉塗之 大黑豆煮濃汁塗之 燕窠土

爲末雞子白和敷

小兒赤丹屋上塵和臘猪脂敷

遊溜丹毒葱姑葉搗爛塗便消退

小兒火丹桑白皮煮汁浴之或爲末羊膏和塗

赤遊丹行於上下至心不治菰菜搗敷卽止

小兒癰瘰老鼠肉煮汁作粥食

蓄各四兩煎湯洗浴

小兒天弔頭目仰視痰塞內熱蟬蛻漿水煮晒爲末
冷水下五分

客忤中惡母褌帶三寸并髮燒灰乳汁下一錢桑馬
屎三升燒爲末酒一斗煮浴兒避風

無故猝亡取葱白刺二鼻中氣通或嚏卽活

中蠱下血青藍汁頻服

熱毒遊腫破草鞋和亂髮燒灰醋調敷

小兒頭瘡成片梁上塵和油瓶下渣先以皂莢湯洗

後塗 烏桕樹根晒研入雄黃一錢油調搽

禿瘡米泔洗淨羊角葱搗蜜和塗神效 松香五錢

猪油一兩熬一日搽數次即愈 蜈蚣一條塩一

錢入油浸取油塗大驗

小兒赤禿桑葚取汁頻服

鵝口瘡白厚如紙胭脂以乳汁調塗一宿效 桑樹

皮中白汁拭淨塗便愈

小兒口瘡金底墨頻搽 葶薺燒存性研末搽

小兒眉瘡黑驢屎燒研油調塗立效

小兒耳瘡癰瘡大蟾蜍燒灰猪脂和敷

孩子熱瘡雞子五枚煮熟去白取黃鬬髮熱魚少頃
出液取塗瘡上以苦參末粉之亦可以液與兒服
黃爛瘡艾葉燒灰敷之良 赤小豆煮汁洗三度愈
燕窩瘡鼠屎研末香油調搽蚓泥灶突墨香油調塗
燕口二角生瘡髮灰三錢煎汁服

小兒蟲瘡舊絹作衣桐油塗之與兒穿次日蟲皆出
油上取下熅之有聲別以油衣與穿蟲盡爲度

小兒火瘡熱如火遶臍不救馬齒莧搗塗

小兒臍瘡馬齒莧燒研敷 瘡出汗蟾蜍燒末敷日三

小兒軟癰牆上白螺殼燒灰入倒挂塵油調塗

小兒丹瘤蓖麻仁五个擣研入麵一匙水調敷甚效
赤疵生身上馬尿頻洗之

小兒濕癬桃樹青皮爲末和醋頻敷

風疹作痒白礬燒過投熱酒中馬尾搵酒塗之

斑疹髮灰飲服三錢 頭熱鼻塞蚓泥作餅貼顙上

日三

頭面陰囊浮腫使君子仁一兩去壳蜜五錢炙爲末
米飲下一錢

天柱骨倒疳疾體虛蓖麻仁六十個木鼈子六個研
勻先包頭搽頂上令熱以唾調藥貼之

小兒目翳侵睛白鹽生研火心煎黑三五次服
小兒月內目閉出血甘草一截猪胆汁炙爲末米泔
調灌

撮口發噤生甘草二錢水煎溫服 舌上有瘡如粟

米以指甲刮破蜈蚣汁研敷卽愈

中風口噤雀屎水丸麻子大米飲下二丸 白牛屎

塗口中取瘥 蜘蛛一枚去足炙研末入猪乳和

勻分三服神效

中風寒痺口噤雞屎白四兩炒黃入酒攪清飲

口緊不食不語極危蛇蛻燒灰拭淨敷

小兒唇腫桑白皮白汁塗之即愈

小兒緊唇頭垢塗之

雞屎白研末敷有涎換去

兒齒不生雌鼠屎兩頭圓廿一枚一日一枚揩齒勿

食鹹酸

小兒重舌芒硝末塗舌上下日三

髮灰五分時時

敷舌下蜣螂燒末唾和敷舌上

臍濕不燥髮灰青油調敷

枯礬灰敷之

小兒臍腫荊芥湯洗淨以煨葱刮下出火毒貼之即

消

盤腸腹痛葱湯洗兒腹仍以葱搗貼臍上尿出痛止

蟲種壯痛葱汁半匙菜油半杯言和用雖作爲方
根

夜啼腹痛面青冷証大蒜一枚煨研晒乳香五分擣
丸每七丸乳汁下用兒初穿毛衫放瓶內自止

小兒大便不通甘草枳壳炒各一錢水煎服

小兒脫肛螺螄三升鋪桶內坐之少頃卽愈

小兒不尿安塩臍中以艾灸之人乳四合葱白一

寸水煎分四服卽利

小兒遺尿赤豆葉擣汁服

小兒血淋雞屎尖白如粉者炒研爲丸每服五丸酒

下日四次

氣淋百餘起大蒜浚豉蒸餅同擣丸每三丸溫水下
沙淋黑大豆百廿粒生甘草一寸水煮熟入滑石末
熱飲良

小兒疝氣以葛袋盛塩懸戶口父母用手捻盡卽愈
寒疝腹痛汗出梨葉濃煎七合分數服飲太良

小兒陰腫令婦人以火筒吹腫處卽消 蟬蛻五錢

煎洗仍服澤瀉猪苓焦朮茯苓

小兒卵腫蚯蚓爲末唾調敷 蚓泥爲末薄荷汁調塗

驚癇

急慢驚風白頸大蚓一條搗爛朱砂末丸薄荷湯下
小兒驚癇荆芥二兩白礬半生半枯一兩朱砂爲丸
薑湯下日二

烏紗驚風遍身烏者黃土一盃搗末醋炒熱包熨引
下至足刺破爲妙

風癇痰嗽白礬建茶爲末糊丸服

胎寒發癇煨白礬爲末枣肉丸米大乳下最良

癇疾雞子黃和乳汁攪勻服三枚卽定 殺羊角煨

酒下三錢

角弓反張雞屎白一升搗酒五升揚千遍乃飲日二

諸疳

疳蝕口鼻腐臭鹽白麵等分爲末每用吹之 疳蝕

唇頰穿者綿裹人尿貼之必有蟲出

小兒疳疾綠礬煨醋焙爲末棗肉丸綠豆大每十丸

溫水下日三 土裏蜣螂煨熟食

疳蟲食土及生物綠礬研末猪胆汁丸綠豆大每七

丸米飲下

一切疳蠱蟾蜍燒灰醋和敷日三

鼻中疳瘡紫荊花陰乾爲末貼之

小兒疳積大腹黃瘦蟾蜍去首足腸清油塗之陰陽